

TABULA 650. ET 651.

HELICONIA LINGULATA.

HEXANDRIA MONOGYNIA.

CHAR: ESSENT: *Spatha* universalis, partialisque. *Cal.* 6. *Cor.* supera, 3-petala. *Nectarium* 2-phyllum. *Stigma* 1. *Capsula* trilocularis; loculis monospermis.

HELICONIA lingulata: spicis luteo-puniceis, spathis inflexis linguaeformibus longis. *Retz et Pax.* *Flor. Peruv. Vol. III. p. 71. tab. 304.*
Crescit in Peruviae Andium nemoribus ad Chinchao et Cuchero fractus. Floret Augusto et Septembri. 2.

PLANTA perennis, glabra, tri-ulnaris.

RADIX fasciculata, fibrosa.

CALMI plures, erecti, teretes, spica terminati, maculis sanguineis notati.

FOLIA alterna, oblonga, acuminata, 1-3-pedalia, latitudine bi-palmaria, basi inaequalia, excavata, acumine contorto, utrinque nervosa, nervis subhorizontalibus, inflexis, nonnullis prominentioribus, nervo medio longitudinali supra canaliculato, subtus elevato, plano, membranaceo.

PETIOLI foliis longiores, culmum undique vaginantes, sibi invicem incumbentes, striati, a basi usque ad apicem fere convoluti, superne teretes, recurvi, leviter sulcati.

SPICA terminalis, oblonga, cernua, disticha, flexuosa, composita, spathis 12-20, multifloris, alternis, distantibus.

SPATHAE communes longissimae, linguaeformes, ad basin concavae, incurvae, coriaceae, luteae, superne puniceae; inferiores quadri-palmares, reliquae gradatim breviores.

FLORES in singula spatha 12-16, totidem spathis partibus, membranaceis, ejusdem longitudinis, lanceolatis, canaliculatis, marcescentibus, distincti, pedicellati, duplici serie imbricatim inserti, ante explicationem decumbentes, postea sensim sese erigentes.

PEDICELLI pollicares, angulati, inferne attenuati, inaequales.

COROLLA lutea.

DRUPA caerulea, carnosa, turbinata, truncata, trisperma, avellanae nucis magnitudine.

NUCES leucophaei coloris.

1. *Spica naturali magnitudine.*

2. *Folium magnitudine.*